



Numero 2. Figur C. F. welche die grad der Sonnen vnd desmonds höche begreiff / welche grad also sollend auff die anzogne *Continents* linien verzeichnet werde / Leg allwegen auff das *Centrum* E. ein Lineal / vnd von einem grad des *Quadranten* auff den anderen / wo dann das Lineal allwegen die linien C. F. durchschneit / da mach puncten / vnd verzeichne sie mit der zahl / als die Figur Numero 2. außweist. Wann die *Stundlinien* darrein verzeichnen wilt / so gang in folgende *Zahltaffelen* / vnd nimb deines *Landes Polus* höche so in der *Taffelen* findest / vnd fahr von einem zeichen zum andern / vnd von einer *stund* zur andern / vnd was zahl allwegen in deiner fürgenommenen *stund* findest / so spann den *Circlel* auff gleichen grad in der *Continents* linien / vnd trag allwegen die weite auff die linien desselbigen zeichens / so du vor dir hast. Als zum *Exempel* / Auff dem 47. grad *Polus* höche (darauff dann alle *Figuren* gerissen sind) begähre ich die 12. *stund* im *Sommer* / das ist / in dem zeichen des *Krebs* zu verzeichnen / so gang ich in das *Täffelein* des *Krebs* / vnd besihe neben dem 47. grad

*Polus* höche / was vnder der 12. *stund* für ein zahl stande / Namlich / wie manchen grad die *Sonnen* zu *Mittag* / wann sie den *Krebs* erreicht / über den *Horizont* gestigen sige / so finde ich 66. grad 30. *minuten* / diese weite vom C. bis in 66. g. 30. m. trag ich auß der *Continents* linien / mit dem *Circlel* auff die linien des *Krebs* C. F. vnd mach daselbst ein puncten.

Demnach so gang ich widerumb in die *Taffelen* / zum zeichen des *Löwen* /